



ԵԿԵՂԵՑԱԿԱՆ ԲԵՄ. ԼՈՒՐԵՐ

Հունվարի 8-ին, ուրբաթ.—Այսօր Երևանի հայրապետական վիլլայում տեղի է ունենում Գերագույն հոգևոր խորհրդի հերթական նիստը՝ նախագահությամբ Ամենայն Հայոց Վեհափառ Հայրապետի:

*
* *

Հունվարի 7-ին, երեքշաբթի.—Յիշատակ մենելոց.

Այսօր Մայր տաճարում ս. պատարագ է մատուցում տ. Նշան բն. Բելլերյանը:

Ս. պատարագի ավարտին կատարվում է հոգեհանգիստ «Վասն համօրենն մեջեցելոց»:

*
* *

Հունվարի 8-ին, չորեքշաբթի.—Այսօր, երեկոյան ժամը 20-ին, Վեհաբանում տեղի է ունենում միաբանական հերթական հավաքույթը, որի ընթացքում զեկուցում է, հատուկ հրավերով հավաքույթին ներկա գտնվող, համալսարանի իրավաբանական ֆակուլտետի դոցենտ Մակիչ Ուզունյանը՝ «Օրենք և արդարություն» թեմայով:

Դասախոսությամբ ներկա էր Վեհափառ Հայրապետը:

*
* *

Հունվարի 9-ին, հինգշաբթի.—Այսօր Երեվանի հայրապետական վիլլայում Վեհա-

փառ Հայրապետի նախագահությամբ գումարմարվում է Գերագույն հոգևոր խորհրդի հերթական նիստը, որ կազմվում է Մայր Աթոռից ներս կարգապահական հանձնաժողով՝ հետևյալ կազմով. տ. Կոմիտաս արքեպ. Տեր-Ստեփանյան, տ. Հմայակ եպս. Ինդրյան և պրն. Օճնիկ Թոփուզյան:

*
* *

Հունվարի 10-ին, ուրբաթ.—Այսօր հոգևոր ճեմարանում, կիսամյա քննություններից և ամանորյա և ս. Ծննդյան տոնակատարություններից հետո, վերսկսվում են 1974—1975 ուսումնական տարվա դասավանդությունները:

*
* *

Հունվարի 12-ին, կիրակի.—Է օր Ծննդեան.

Այսօր Մայր տաճարում ս. պատարագ է մատուցում տ. Արսեն եպս. Բերբերյանը և «Հայր մեր»-ից առաջ քարոզում «Նորոգող հնությունաց, նորոգեա և զիս, նորոգ զարդարեա» (շարական) բնաբանով:

Ս. Պատարագին ներկա էր Վեհափառ Հայրապետը:

*
* *

Նույն օրը, պատարագից հետո, Վեհափառ Հայրապետը Ամանորի և ս. Ծննդյան

տոների առիթով մեծ սիրով ընդունում է Մայր Աթոռի երգչախմբին՝ գլխավորությամբ խմբավար, վաստակավոր արտիստ Խորեն Մելիսյանի:

Այդ առիթով Վեհափառ Հայրապետը շնորհավորում է նաև խմբավար Խորեն Մելիսյանին՝ վաստակավոր արտիստի կոչում ստանալու առիթով, և երգչախմբին տալիս Իր օրհնությունն ու հայրական պատգամը:

Շնորհակալական և երախտագիտական խոսք է ասում երգչախմբի խմբավար Խորեն Մելիսյանը:

Այնուհետև երգչախումբը աջահամբույրով հրաժեշտ է ասում Վեհափառ Հայրապետին:

Հունվարի 18-ին, երկուշաբթի.—Ը օր Ծընդդեմ: Տօն անուանակոչության Տեառն մերոյ Յիսուսի Քրիստոսի.

Այսօր Մայր տաճարում ա. պատարագ է մատուցում տ. Եզնիկ արեղա Պետրոսյանը:

Հունվարի 14-ին, երեքշաբթի.—Այսօր ուխտավորաբար Մայր Աթոռ է ժամանում Լիբանանի առաջնորդ տ. Տաճատ արքեպ. Ուրֆայանը, որը Մայր տաճարում իր աղոթքն ու ուխտը կատարելուց հետո ընդունվում է Ամենայն Հայոց Վեհափառ Հայրապետի կողմից:

Օղանավակայանում, հանուն Հայոց Հայրապետի, Տաճատ արքեպեպոստոսի ղեկավարում են Մայր տաճարի լուսարարապետ տ. Հուսիկ եպս. Սանթրոսյանը, Սարգիս արկ. Սարգսյանը և Աղվան արկ. Գասպարյանը:

Հունվարի 15-ին, չորեքշաբթի.—Այսօր, երեկոյան ժամը 20-ին, Վեհաքանոնում տեղի է ունենում միաբանական հերթական հավաքույթ, որի ընթացքում Վեհափառ Հայրապետը «Արդարության գաղափարի հասկացությունը» թեմայի շուրջ բովանդակալից դասախոսություն է կարդում:

Հունվարի 16-ին, հինգշաբթի.—Հին տոմարով ա. Ծննդյան տոնի առիթով պատարագելու և հանգին կենաց քարոզությամբ հավատացյալներին մխիթարելու համար Ախալցխա մեկնեց տ. Եզնիկ արեղա Պետրոսյանը, Ախալքալաք՝ տ. Եղիշե քնն. Բաղրամյանը, Օրջոնիկիձե՝ տ. Նշան քնն. Բեյլերյանը և Ժիրայր արկ. Սիմոնյանը, Արմավիր՝ Հարություն արկ. Սարգսյանը:

Հունվարի 19-ին, կիրակի.—Ա կիրակի զկնի Ծննդեան.

Այսօր Մայր տաճարում ա. պատարագ է մատուցում տ. Արիս եպս. Ժիրվանյանը և «Հայր մեր»-ից առաջ քարոզում Կանայի հարսանիքի խորհրդի մասին:

Ա. պատարագին ներկա էին Ամենայն Հայոց Վեհափառ Հայրապետը և ուխտավորաբար Մայր Աթոռում գտնվող Լիբանանի առաջնորդ տ. Տաճատ արքեպ. Ուրֆայանը:

Ա. պատարագի ավարտին Վեհափառ Հայրապետի նախագահությամբ տեղի է ունենում հոգեհանգստյան մասնավոր արարողություն տ. Տաճատ արքեպիսկոպոսի նորոգ հանգուցյալ տիրամոր հիշատակին:

Ա. պատարագին ներկա էին նաև ուխտավորաբար Մայր Աթոռում գտնվող Բուենոս-Այրեսի ա. Գրիգոր Լուսավորիչ դպրոցի 1974 թվականի շրջանավարտների շուրջ 20 հոգուց բաղկացած երկսեռ խումբը՝ ղեկավարությամբ դպրոցի տնօրենուհի օրիորդ Բակլայանի:

Հավարտ ա. պատարագի Վեհափառ Հայրապետը բարեհաճում է ընդունել շրջանավարտներին և տալ նրանց հայրական Իր օրհնությունն ու իր պատգամը:

Վեհափառ Հայրապետը հանգամանորեն հետաքրքրվում է նաև Արգենտինայի հայոց եկեղեցական, մշակութային կյանքով և ուսանող ուխտավորների միջոցով Իր ողջուններն ու օրհնությունն է ուղարկում Արգենտինայի բովանդակ հայությանը:

Հունվարի 22-ին, չորեքշաբթի.—Այսօր, երեկոյան, Վեհաքանոնում տեղի է ունենում միաբանական հերթական հավաքույթ, որի ընթացքում զեկուցում է Սարգիս արկ. Սարգսյանը՝ կրոնական արդարության մասին:

Սույն թվականի հունվարի 22—28-ը Մայր Աթոռում էր գտնվում Մոսկվայում Միացյալ Նահանգների դեսպանատան աշխատողների հոգևոր մատակարար և ամերիկյան եպիսկոպոսական եկեղեցու քահանա հայր Ռեյմոնդ Օպենհայմը՝ որպես Մայր Աթոռի Միջեկեղեցական հարաբերությունների բաժնի հյուր:

Մայր Աթոռում գտնվելու օրերին հայր Օպենհայմն այցելեց Հայաստանի պատմական վանքերն ու հուշարձանները, մայրաքաղաքի տեսարժան վայրերը, եղավ Սևանում և Սարդարապատում:

Հարգելի հյուրին Վեհաքանոնում բարեհաճեց ընդունել Հայոց Հայրապետը:

Հայր Օպենհայմը մի շարք հանդիպումներ ունեցավ Մայր Աթոռի Միջնեկեղեցական հարաբերությունների բաժնի աշխատակիցների հետ՝ գլխավորությամբ բաժնի վարիչ տ. Արսեն եպս. Բերբերյանի:

Հայր Օպենհայմը հունվարի 28-ին, երեք-շաբթի օրը, առավոտյան, հրաժեշտ տվեց Մայր Աթոռին և լավագույն տպավորություններով մեկնեց Մոսկվա՝ իր պաշտոնատեղին:

* *

Հունվարի 25-ին, շաբաթ.—Տօնն ա. Սարգիս զորավարին.

Այսօր Երևանի առաջնորդանիստ ա. Սարգիս եկեղեցու ղեկավարության օրն է և եկեղեցու անվանակոչության տոնը: Այս առիթով տ. Կոմիտաս արքեպ. Տեր-Ստեփանյանի հրավերով պատարագում և քարոզում է տ. Հմայակ եպս. Ինդրյանը ա. Սարգիս զորավարի կյանքի և նահատակության հոգեվոր, բարոյական նշանակության մասին:

* *

Հունվարի 26-ին, կիրակի.—Բ կիրակի գկնի Ծննդեան.

Այսօր Մայր տաճարում ա. պատարագ է մատուցում տ. Հակոբ քհն. Հակոբյանը:

«Հայր մեր»-ից առաջ քարոզում է տ. Հմայակ եպս. Ինդրյանը՝ ա. Սարգիս զորավարի նահատակության խորհրդի մասին:

Ա. պատարագին ներկա էին Վեհափառ Հայրապետը, Մայր Աթոռում գտնվող ամերիկյան եպիսկոպոսական եկեղեցու հոգեվորական Օպենհայմը:

Ա. պատարագի ավարտին տեղի է ունենում հոգեհանգստյան մասնավոր կարգ՝ Օպենհայմի նորոգ հանգուցյալ տիկնոջ հիշատակին:

* *

Հունվարի 29-ին, չորեքշաբթի.—Այսօր, երեկոյան ժամը 18-ին, Վեհափառ Հայրապետին այցելեց Հայաստանում գտնվող սիյուռաբայ ականավոր հրապարակախոս և գրող, Բելյուրի «Նաչիրի» շաբաթաթերթի խմբագիր Անդրանիկ Ծառուկյանը:

* *

«Էջմիածին» ամսագրի սույն համարից սկսած փոխվում են նրա բոլոր գլխագարդերն ու վերջնագարդերը:

Վեհափառ Հայրապետի թելադրությամբ և ցուցմունքներով վերոհիշյալ նկարչական աշխատանքները ճաշակով և սիրով կատարել են նկարիչներ Ալբերտ և Արթուր Կարազյան եղբայրները, որոնց և հայտնում ենք խմբագրության շնորհակալությունները:

* *

Նույն օրը, երեկոյան ժամը 20-ին, ուխտավորաբար Մայր Աթոռ ժամանեց Երուսաղեմի հայոց պատրիարքարանի դիվանապետ ու Ժառանգավորաց վարժարանի և ընծայարանի տեսուչ տ. Ծաֆե արքեպ. Աճեմյանը:

Երևանի օղանավակայանում տ. Ծաֆե արքեպանին, հանուն Վեհափառ Հայրապետի, դիմավորեց Մայր տաճարի լուսարարապետ տ. Հուսիկ եպս. Սանթրոյանը՝ ընկերակցությամբ Աղվան արկ. Գասպարյանի: Մայր տաճարում իր ուխտն ու աղոթքը կատարելուց հետո, տ. Ծաֆե արքեպիսկոպոսը Վեհափառում ընդունվում է Վեհափառ Հայրապետի կողմից:

* *

Նույն օրը, երեկոյան ժամը 20-ին, Հրնդկաստանից ուխտավորաբար Մայր Աթոռ է ժամանում տ. Վազգեն վրդ. Թադրյանը:

* *

Նույն օրը, երեկոյան ժամը 20.30-ին, Վեհափառում տեղի ունեցավ միաբանական հավաքույթ, ուր Հարություն արկ. Սարգսյանը խոսեց հայտնի գրող Սերո Խանգադյանի «Մխիթար սպարապետ» պատմավեպի բովանդակության և կերպարների մասին ու ապա համառոտակի ներկայացրեց հեղինակի կենսագրությունը:

Այնուհետև տեղի ունեցավ «Մխիթար սպարապետ» պատմավեպի մասին մտքերի աշխույժ փոխանակություն, որին մասնակցեցին Մայր Աթոռի վարդապետ և սարկավագ միաբանները:

Հավաքույթին ներկա էին Վեհափառ Հայրապետը, տ. Ծաֆե արքեպ. Աճեմյանը և արն. Անդրանիկ Ծառուկյանը:

Հավաքույթին ներկա էր նաև «Մխիթար սպարապետ» պատմավեպի հեղինակ, գրող Սերո Խանգադյանը, որը հավաքույթի ավարտին խոսեց պատմավեպի ստեղծման հանգամանքների, ստեղծագործական իր որոնումների և վեպի դրական ու քացասական կերպարների և պատմավեպի օտար լեզուներով թարգմանությունների մասին: